

మడావి తుకారాం

(బి.ఎ.ఎస్.)



Madavi Thukaram (I.A.S.)

A concise biographical sketch of the first Gond person to attain the rank of Officer in the Indian Administrative Service.

Authors:

Mesram Somji
Arka Manik Rao

Edited by:

Mesram Manohar
Pendur Durnath Rao

Published by:

Integrated Tribal Development Agency (I.T.D.A.)
Uttoor, Adilabad District, Andhra Pradesh

In association with:

SIL International – *Partners in Language Development*

Photos:

Courtesy the family of the late Madavi Thukaram, Uttoor

First printing:

October 2006, 300 copies

Copyright:

This compilation is copyright © 2006. Anyone is permitted to copy and distribute copies of this text or any portion of this text. It may be incorporated in a larger work, and/or quoted from, stored in a database retrieval system, photocopied, reprinted or otherwise duplicated by anyone without prior notification, permission, compensation to the holder, or any other restrictions. All rights to this text are released to everyone and no one can reduce these rights at any time.

మడావి తుకారాం

(ఐ.ఏ.ఎస్.)

లిహి కీతేర్:

మెస్రం సోంజీ

అని

అర్క మానిక్ రావ్

అక్టోబర్ 2006

విషయ సూచిక

పరిచయం	2
సాడత్ బారితే.....	3
హైమండ్ డార్ఫ్ అని బేటి ఎలిజబెత్.....	5
కోయ్ తుర మర్మిన కాయ్ ద	5
సన్క.....	7
కేతి కామున్ బారితే	8
పేన్ దున్ ఫార్రా బావ్.....	8
నేకింగ్ నియత్క	9
తన్వ జీవితం నౌకరి	9
నేకి నేమ్ నియ్యో సేవ.....	12
సమజ్ను సేవ.....	13
దేవధన్ గోదామ్మ.....	14
మర్మింగ్	15
నావకరి కీతంగ్ జాగంగ్	15
బెయే బాబల్	17
చొకొట్ బుద్ధింగ్ వెహ్వల్	18

పరిచయం



మడావి తుకారాం 04-05-1951 (తారీక్ బూడ్ భావేయ్ మహీన సాల్ దున్) ఆదిలాబాద్ జిల్లా ఉత్పూర్ మండల్ కరుమ్ లక్ష్మిపేట్ ఇన్స్టల్ నాటే జన్మ ఆతోర్. వోనోర్ బాబల్ మడావి బాపురావ్ మహారాజ్, బెయే శ్రీమతి మాన్కుబాయి (దుర్గబాయి) వీర్ కున్ నాల్వీర్ మర్మియాడ్ ఇవ్వీర్ పేకుర్, రెండ పేకింగ్, డగూర్ కాండి దత్తరాం వేర్ వేన మేందోడ్ రొప్పొ దుఖ్ నే వేర్ బెమారి తే అర్సి సాతోర్. చుడూర్ (నెట్పె) మియాడ్ తుల్నిబాయి, నెట్పె కాండి తుకారాం సమ్మిర్క-

చుడూర్ పేడి పంచపూల బాయి. కామ్ కేతి బయ్ గరిబ్ కుటుంబం నేర్ వీర్. ఉండే అవ్వల్ బోలి వడ్కవల్ కోయంగ్, కోయా జాతి తూర్ వీర్ అదేన్ సాటి కోయా బోలితే వడ్కందీర్ కేతి కామ్కూ సూడ్సెర్ అద్ నాట్నోర్ పోలీస్ పాట్లాల్ ఆత కాడ్కి మహీన - మహీన జనాభా సాతెరా ఖబూర్ ఉత్పూర్ తహశీల్ కమరితగ వోసి సీయన. జనాభా సాతెరా ఖబూర్ సీనెకే తహశీల్ కమరితగ కామ్ కియ్యలిర్ మయనలిర్ మడావి బాపురావున చేడి కీందిర్. అవ్ కేంచి నాక్ బాతోర్ కాండి పుట్టన ఇత్తైకే చేడి కియ్యలిర్ ఊర తలత్ పొర్తొ డెయ్యి ఉద్వల్ పుట్టన ఇంజేర్ పెర్నా పేన్ దున్ పూజ కిందూన్ ఇంజేర్ ఇంకెట్కె అవ్ గొట్టింగ్ ఇంజేర్ మంతేర్ కామ్ ద కాసుని తేర్ వీర్. పెర్నా పేన్ దున్ పొర్తొ బయ్ బరోస వావీర్.

సాడత్ బారితే

నేండ్ ఆదిలాబాద్ జిల్లా మొదోల్ గిరిజన కోయా జాతి వనికీత మొదోల్ (ఐ.ఎ.ఎన్.) సాబ్ మదావి తుకారాం వారోర్. ఉంది తరగతి తల్ తే నాల్గవ తరగతి వేరి లక్షిట్టి పేట్ ఇన్వల్ నాటేనే కరితోర్. వోర్ రోజి రోజి చొకొట్ సాడతే సాందూర్. సాడతే వెహ్తాంగ్ అవెకున్ చొకొట్నె కెంజ్ దూర్. కరినెకే మస్తరలిర్ వోన చొకొట్నె బుదితున్ వనికీందిర్, దిహాంతే హేతు ఇర్ని వేర్ ఉపాస్ మంజేర్ కాగుత్ కరితోర్.

1961-1962 సాల్ దున్ ఆదిలాబాద్ హైస్కూల్ తగ బాపురావ్ మహారాజ్ తుకారాం మున్ సియుంగ్ తరగతి తగ నేరిక్ కీతోర్. సర్కారి గిరిజన హాస్టాల్ తగ మంజేర్ సాడ కరితోర్. అద్ వకత్ నగ ఆదిలాబాద్ మోటార్ సొలత్ గిర్ చొకొట్నె సెల్లె మత్త. వాయ్వుల్ సాన్వల్ బయ్ కటిన్ మత్త, లక్షిట్టి పేట్ నల్ పంచ పొండి (దోత్రె) ఆదిలాబాద్ వేరి తాక్సేర్ సాందూర్. బయ్ కటిన్ తే కాగుత్ కరితోర్. సుట్టి మన్నెకే రోన్ వాసికేతి కామ్ కీందూర్. నర్కక్ కట్టెన తడ్మి కీసి అద్ తడ్మిత వేడ్మితే వాచి కీందూర్. ఆదిలాబాద్ నూర్ హైస్కూల్ సాడ తుర్ మస్తరలిర్ తుకారాం మున్ బచ్చారెయ్ లాడ్ కీందిర్. సమ్మి కార్య క్రమల్ కీసేర్ 1966-1967 సాల్ దున్ దహ పుస్తక్ న పరీక్షతగ పాస్ ఆతోర్.



ఆదిలాబాద్ జిల్లా తే వొరోర్ గిరిజన కోయా పేడల్ పుత్తోర్. కాగుత్ తన్వ వెంజెడున్ కాడల్ నియత్ దాత్ గోడ్ ఇందుర్ మదావి తుకారాం. చుడూర్ మన్నెక్ డల్ కరబ్ ఆడత్ నగటల్ లంగ్ మంజి బస్కేట్ కరలే వడ్కుదూర్ రోజి రోజి పేన్దున్ కాల్ కెర్దూర్. కల్, సవింగ్, అసలే తిన్వల్ వోర్ ఆయోర్ వక్కతున్ సాందా సియ్యక్ సమ్మి కామ్కీందూర్ వోర్.

సర్కారి డిగ్రీ కాలేజ్ ఆదిలాబాద్ 1967-1968 సాల్ దున్ అక్రవి మొదొడ సాల్దున్ సేరిక్ ఆసి, వోస్కు సీతంగ్ కొత్తనెన్ కూసి ఆందూర్. ఉంది బుక్క గాటో తేన్ తన్వంగ్ కష్టాల్క్ మరుంగ్దూర్. బెయే-బాబాన్ దాత్ పెర్సా పేన్దున్, జంగుబాయి పేన్దున్ పొర్టా బయ్ బావ్ వాలే. సత్తి దిన్ సక్రేన్ 4-00 గంటన్ తేచి యేర్ తుంగ్గి “సాముదాయిక్” ప్రార్థన కీందూర్. వోన్ తోడో వోనెర్ సోప్తలిర్ గిర్ ప్రార్థనత్ గ మీరే మాందిర్. హర్ శన్వార్, సామూర్ ఉండే బస్తూర్ వార్ ఉపాస్ మందూర్. వక్కతున్ సాందా సియ్యక్ వాచి కీందూర్. 1968-1969 దున్ అక్రవి బారవి తంగ్ పరీక్షనగ పాస్ ఆతోర్.

సర్కారి డిగ్రీ తేరవి కాలేజ్ ఆదిలాబాద్ నగ (బి.ఎ.) త్గ 1969-1970 తగ సేరిక్ ఆసి, బచ్చొరెయ్ కష్టకీసి కరిసి గిర్ (బి.ఎ.) తగ ఆకిరిత సాల్దంగ్ పరీక్షనగ 1971-1972 సాల్దున్ పాస్ ఆయ పర్మకీ. పెజ్జెట పరీక్షతగ పాస్ ఆతోర్. నాపస్ ఆత కాలంగగ కేడ శాఖ కమరితగ కాగజ్ నగర్ తే రోజి బూతిత్ పొర్టా కామ్ కీతోర్.

ఆదిలాబాద్ హైస్కూల్ తగ కాగుత్ కరినెకే తుకారాం మున్ తాదో ఇంజేర్ రూమ్ నేర్ కాండిర్ ఇన్దిర్. దుస్రుర్ సోప్తలిర్ పండిత్ ఇంజేర్ కేయ్ దీర్ ఇంజేర్ వోనెర్ సోప్తలిర్ ఇంతేర్. కోయజాతి సంస్కృతి శిక్షణ సంస్థ డైరెక్టర్ డి. ఆర్. ప్రతాప్ సాబ్ హైదరాబాద్ నోర్ మదావి తుకారాం మున్ కాగుతున్ సాటి బచ్చొరెయ్ చొకొట్టు బుద్ది వెప్తోర్. ఆదిలాబాద్ (బి.ఎ.) ఆత పెజ్జె 1973-1974 సాల్దున్ ఉస్మానియ్ విశ్వవిద్యాలయం హైదరాబాద్ (ఎం.ఎ.) తగ సీట్ వాత. బెయే బాబల్ బచ్చొర్ కష్టకీసి కామ్ కీసి బచ్చొరెయ్ కష్టాల్క్ వాతేక్ తేర్ తంవోర్ కాండిన్ డగూర్ కాగుత్ కరుసీసి వొరోర్ డగూర్ సాబ్ కియన ఇంజేర్ బెయే బాబాన మందే, ఊర దిల్ సాంతి ఆత.

హైమండ్ డార్ఫ్ అని బేటె ఎలిజబెత్

మాక్ సుట్జీసి సాత్తోర్ తుకారాం మరాఠీ, హింది, ఇంగ్లీషు గొష్టింగ్ వెరివక్ వడ్కెదూర్. అవ్వల్ బోలి వడ్కెవల్ కోయంగ్ ఆతెక్ తేర్ అస్కె ఇత్తెకే తుకారాం సాడ కాండి మన్నెకే ప్రాఫెసర్ హైమండ్ డార్ఫ్ గిరిజన సంస్కృతి ఆచార విచార్ కున్ కరి కియన్ సాటి ఆదిలాబాద్ జిల్లా తేవతోర్. వోర్ మందన్ సాటి మార్లవాయి నాటూన్ పసంద్ కీతోర్. అద్ నాటే ఆత్రం లచ్చు పాట్లాల్ నాటోర్ డగూర్. అగ్గ మంజేర్ కోయ్తురంగ్ నహ్కా వెలిందూర్. హైమండ్ డార్ఫ్ పున్ కోయంగ్ బాష వడ్కెలే వాయో కోయ్తుర్క అస్కె ఇంగ్లీషు బాష వడ్కెలే వాయో. అద్ వక్తనె కాలేజ్ సాడ కాండి మడావి తుకారాం కోయ్తుర్ వెడిల్క్ వెహ్తాంగ్ గొష్టాన్ కోయా బాష తల్ ఇంగ్లీషు బాష తే కరి కీసి వెహుందూర్. కోయ్తుర్ డగూక్ ఆత్రం భగవంత్ రావ్ రాజా కంచన్ పల్లి మండల్ సిర్పూర్ (యు), సిడాం మారు మస్తరల్ తిర్యాణి, కనక హన్ను మస్తరల్ గిన్నెధరి, గంగారాం మస్తరల్ ఉమ్మి, ఆత్రం భీంరావ్ గాదిగూడ మండల్ నార్పూర్, మడావి గంగు ఖైర్డాట్యా మండల్ నార్పూర్, మడావి రాజ మస్తరల్ ధనోరా మండల్ కెరమెరి, గోడం రామారావ్ జాతర్ల, కోట్నాక భీంరావ్ బంబారా, సిడాం అర్జు తిర్యాణి, సిడాం భీంరావ్ పిట్టబొంగరాం మండల్ ఇంద్రవెళ్ళి, తొడసం గంగధర్ మస్తరల్ మార్లవాయి.

కహి నహ్కానెర్ కోయ్తుర్ వెడిల్క్ వెహ్తాంగ్ ఆచారాల్కున్ సంస్కృతిత్ సంప్రదాయల్కున్ కోయా బాష తే వెహ్తాకే మడావి తుకారాం ఇంగ్లీషు బాష తే హైమండ్ డార్ఫ్ పున్ వెహుందూర్. కటోడల్, దేవరీ, నార్ పాట్లాల్, పేన్ పాట్లాల్.

కోయ్తుర మర్మిన కాయ్ద

కోయ్తుర సంస్కృతి, రివాత్సన్, కాయ్ద నేకినున్ కాయ్దన్, కోయ్తుర్ కియ్యలిర్ సన్కున్, డండారి యేంద్యల్, పరా, గుమేలా, వెట్టి, డమ్క బాయిక్ మీరే మాసి వార్వలిక్ పాటంగ్, కర్నవల్, రామయాన్,

భజన్ కున్ పేన్కెన పూజ కియ్యడున్ సాటి పాట్ మర్మింగ్, ఇహిన్ ఇవ్ గొప్టాన్ గిర్ కోయ్ తూర్ వెడిల్క్ కోయా బాష తే వెహ్తాకే, తుకారాం ఇంగ్లిషు బాష తే కరి కీసి ప్రాఫెసర్ హైమండ్ డార్ఫున్ వెహుం దూర్.

కోయ్ తుర డగూర్ పేన్ దున్ (పెర్నాపేన్) సాటి ఊకడ పాటంగ్ సాటి 4, 5, 6, 7, సగ్గన్ కు లాగ్ని తంగ్ (బీడి) పాటన్ విజ్జ వాట్వక్ మొదోల్ కియ్యల్ మొహ్ తుకున్ సాటి జన్మ ఆతెకే కియ్యల్ కయ్ దతున్ ఉండే సాత పెజ్జె కోయ్ తూర్ కియ్యల్ కాయ్ దన్ కోయ్ తూర్ డగూక్ గోండి బాష తే వెహ్తాకే ఇంగ్లిషు బాష తే కరి కీసి హైమండ్ డార్ఫున్ తుకారాం వెహుం దూర్.

కున్బి బారితే గొప్టాన్ అవ్వల్ పేన్ ద, జంగుబాయి పేన్ ద ఇహిన్ పేన్ కున్ కోయ్ తుర సంస్కృతి సంప్రదాయల్ కున్ చుడుక్ చుడుక్ కామ్కనల్ తే డగూక్ డగూక్ కామ్కు సాటి కోయ్ తుర డగూక్ గోండి తే వెహ్తాకే మడావి తుకారాం ఇంగ్లిషు బాష తే హైమండ్ డార్ఫున్ వెహుం దూర్.

ప్రాఫెసర్ సాబ్ సమ్మి కేంజ్ త పెజ్జె ఉండే పుస్తక్ కు లెహి కీతోర్. కోయ్ తుర సంస్కృతి, రివాత్తు, రీతి కోయ్ తురు రివాజున్ సాటి సమ్మి కయ్ దనున్ జర్గునంతేర్. తన్వ రివాజున్ దక్కునన్ సాటి హర్ వొరోర్ దాదల్, బాయి తంవంగ్ ఆచారాల్ కున్ నిబందనల్ కున్ పియ్యి తాకన. కోయ్ తుర రివాతుకున్ దాత్ మర్మింగ్ కియ్యల్ కోయ్ తుర రోత పాడితున్ ఇత్తెకే రోత పొరోల్ మడావి మత్తెకే, ఆత్రం అద్ రోత బెయ్ బాబాన్ పేడితున్ రివాజున్ దాత్ మర్మింగ్ కియన. మర్మింగ్ పహ్లామత్తంగ్ చుడుక్ - చుడుక్ బుడ్డింగ్, చుడుక్ -చుడుక్ తోడితంగ్ బొప్రింగ్, మర్మింగ్ కాండినంగ్ మర్మింగ్ పేడినంగ్ మర్మింగ్ బాయిక్ మర్మింగ్ లాగ్ని మత్త పాటంగ్ బాయిక్ వారంతంగ్. ఢోలు, యేంద్వల్ ఢోలు, మర్మింగ్ అస్కే నేకున్ వలిక్ ఆందుంగ్ కమ్మ యేతగ దవ్రలిక్ దోత్రెన్ నహంతేర్. మర్మి నోర్ నొవ్రాల్ మర్మింగ్ నొప్రిన్ కమ్మ యేతగ నహంతంగ్ కమ్మ రంగ్ ఆతంగ్ దోత్రంగ్ పోండంతేర్. మర్మి నోర్ నొవ్రాల్ రూసి కెయ్ దె పియ్యి కున్ మందంతోర్, మర్మింగ్ నొప్రిన్ గిర్ కెయ్ దె రూసి పియ్యి కున్ మందంత. సమ్మి మర్మింగ్ లాగ్గంగ్ గొప్టాన్ మడావి తుకారాం సాబ్ కోయా బాష తే ఇంగ్లిష్ బాష తే కరి కీసి వెహుం దూర్.

కోయ్తురంగ్ రోతంగ్ పేన్కనల్ పేన్కన పూజ కియ్యన్ (కబోడల్) దేవరీ నల్, పేన్కన పూజ కీనెకే బుద్దింగ్ వెహ్యల్ (పేన్ పాట్లాల్) పాట్లాన్ సాటి, పేన్కన పూజంగ్ బహన్ కియన బస్కె కియన ఈతంగ్ గొట్టాన్, కోయ్తురంగ్ నాలుంగ్ సగంగ్ ఇత్తెకే నాల్వీర్, శియ్పీర్, సారీపీర్, అని యేడ్పీర్ ఇన్వలిక్ పాడిన్ సాటి. రోత పాడి నాల్వీర్ ఇన్వలిర్కె ఊర్కున్ (కబోడల్) రోత పేన్ద పూజ కియన్ సాటి కబోడల్ మందంతోర్. దుస్రా రోత పాడిన్ కున్ ఊర్కె దుస్రా దుస్రా కబోడల్ మందంతోర్. రోత పేన్కన పూజంగ్ తెయార్ కియ్యన్ మొదోల్ బద్ సగ్గ, బద్ కాంద తోర్ రోతంగ్ పాడినల్ వోరు అవ్ గట్టం కబోడల్ సమ్మిర్కె కరికీసి వెహంతోర్. నాట్టుంగ్ పేన్కనంగ్ పూజంగ్ కియన్ సాటి నాటున్ దేవరీ కబోడల్ మందంతోర్. నాటే మత్తంగ్ సమ్మి పేన్కున్ పూజంగ్ కీంతోర్. పెర్నా పేన్, భీమాల్ పేన్, సమ్మి పేన్కున్ కబోడల్ మందంతోర్ గొట్టాన్ మడావి తుకారాం కోయా బాష తే ఇంగ్లిషు బాష తే కరి కీసి ప్రొఫెసర్ హైమండ్ డార్ఫు పున్ వెహుందూర్.

సన్కె

కోయ్తుర్ కియ్యలిక్ సన్కెనల్, దివాడి, దసరా, ఆకాడి డండారి, పోరా, దురాడీ, సిమ్మా, ఇవ్ సన్కున్ నల్ మడావి తుకారాం కోయా బాష తే ఇంగ్లిషు బాష తే కరి కీసి వెహుందూర్.

రోతల్ సమ్మి గొట్టాన్ కోయా బాష తే ఇంగ్లిష్ బాష తే కరి కీసి వెహుందూర్. పెజ్జెటేర్కె, మున్నె తేర్కె, టాటి ఉండే కావడ్ చొకొట్టు యేర్ కుహి నల్ చర్వి పొహ్రా బుడ్డింగ్ గంజ్కెనల్ సామంతల్ చంబుంగ్ తాలింగ్ దెడెంగ్ కోప్కె ఉండే తమ్మ తాలి, కోజా, గిలన్ చంబు, దెడె, గంజ్కె ఇహిన్ పారోల్ కున్ కోయా బాష తే ఇంగ్లిషు బాష తే కరి కీసి ప్రొఫెసర్కు వెహుందూర్.

కేతి కామున్ బారితే

కోయ్తూర్ కియ్యలిక్ కేతి కామ్ కియ్యలిక్, నాయ్జాల్, సెబెడ్, మర్స్, నేర్ జిప్పెంగ్, తుతరి బెడ్డె, పార్లోడంగ్ పారోల్ కున్ కోయా బాష తే ఇంగ్లిష్ బాష తే కరి కీసి వెహుందూర్.

హాటుం, కాసూర్ డే వొయ్యల్ కియ్యడున్ ఖోడత కాసూర్, కోందన కాసూర్ సరినల్ కోయా బాష తే ఇంగ్లిష్ బాషతే కరి కీసి వెహుందూర్. పాటన్ సాటి కటూల్, ఉదన్ సాటి కుర్సి, బొమ్మితే పార్లా, కప్పితే పార్లా పట్వల్ హీన్ గోండి బాష తే వెహుందూర్.

పేన్దున్ పార్లా బావ్



జంగుబాయి పేన్ నార్నూర్ మండల్ సేడ్వాయి నాట్ కరుమ్ “గొంది” ఇన్వల్ జాగతగ జంగుబాయి పేన్ద మటం నగ డగూర్ బుయారీ మంత. అద్ బుయారీ త్ రొప్పొ జంగుబాయి పేన్ మందంత. అద్ పేన్ద రూపం బహన్ మందంత ఇంకే వేరి బోరే వెహుపర్మకీ. జంగుబాయి పేన్ తడ్డి దాత్ ఇంతేర్ కోయ్తూర్ బరోస. ఇద్ పేన్ ఇత్తైకే, జంగుబాయి పేన్దున్ పూజకియ్యలిర్ సీతి నియత్నే మందన.

నేకింగ్ నియత్య

- 1) ఇద్ పేన్దగ మన్వల్ కటోడల్ హాటల్ తగ, చెహ, యేర్, గాటో, అస్సాల్ తిన్నోర్.
- 2) హాటుం సాన్జి వాతెకే వోర్ యేర్ తుంగ్ని రోత్ రొప్పానేజాన్.
- 3) బహ్రా ఆతంగ్ బాయిక్ పేన్దున్ లంగ్ మందన.
- 4) పేన్దున్ కరుమ్ చెప్పల్క్ వోయూర్.
- 5) పేన్ద మటుం నగ తోడి నియ్ ద డీవా దొసూర్.

జంగు బాయి పేన్ద పూజ పూన్ మహీన ఆమున్ ఆత పెజ్జె మందంత. జంగుబాయి పేన్ద పూజ వేర్తె, రోన్ బాయిక్ బహ్రా ఆసి మన్వా. అహన్ మత్తెకే పూజ కియూర్. బాయి బహ్రా ఆసి తల నొర్త పెజ్జె పూజ కింతేర్. జంగుబాయి పేన్దున్ పూజ కియ్యలిర్ కలు ఉనూర్. రోన్ తోడి నియ్ ద డీవా నిరుసూర్. ఇద్ కోయ్తుర నేకి. బజార్ హాత్సూర్ మండల్ తే “రాయాల్ కోరి” తగ గిర్ జంగు బాయి పేన్ద పూజ కింతేర్. ఇంద్రవెలి మండల్ “జంగూన్ బుయారీ” తే గిర్ జంగుబాయి పేన్ద పూజంగ్ కింతేర్. జంగుబాయి పేన్దున్ పూజ కియ్యలిర్ పొర్రోడంగ్ నేకిన్ పియ్సు మందన. పొర్రోడంగ్ నేకిన్ పియ్వక్ సాత్తెకే నాసడం జర్గంత ఇంజేర్ కోయ్తుర బరోస. నేకింగ్ పియ్యలిర్క్ ఊర్కున్ పొయ్ జర్గంత. జంగూన్ “బుయారీ రాయాల్ కోరి” ఇద్ జాగతగ జంగుబాయి పేన్ బన్కెయ్ అద్ జాగతగ రోమి కిసి ఇంజేర్ డగూక్ వెహ్తేర్. అదేన్ సాటి అగ్ గిర్ జంగుబాయి పేన్ద పూజ కింతేర్.

తన్వ జీవితం నొకరి

వట్టి తుకారాం ఆయోర్ కరల్ భక్తి వాలే తుకారాం మున్ దాత్ సంత మయ్నన్ దాత్ పొరోల్ వోన్ వాత. సమ్మిర్ తోడొ బచ్చోర్ మీరే మాసి మన్వల్ ఆందూర్ సమ్మి కామ్మ కీసేర్ గ్రూప్ 1 ఇత్తెకే ఆంధ్ర ప్రదేశ్ పబ్లిక్ సర్వీస్ పరీక్ష తగ పాస్ ఆతోర్ (ఆర్.డి.ఓ.) రెవెన్యూ డివిజన్ సాబ్ హాదా తే ఆంధ్ర ప్రదేశ్

సర్కార్ తే నియం ఆత. బచ్చారెయ్ కష్ట కీసి కరిసి నావకరిత్ పార్తా ఉత్తేర్. కాకినాడ తే (ఆర్.డి.బి.) శిక్షణ ఆత పెజ్జె ఉండే నిజామబాద్ జిల్లా తే (ఆర్.డి.బి.) కామ్ కీతోర్. తన్వంగ్ వంతనంగ్ కియ్యలిక్ కామ్ కున్ కాయ్ద కానుని తే తెయార్ కీసి నిజామబాద్ జిల్లా తేర్ పబ్లికున్ బచ్చోర్ మద్దత్ కీతోర్. ఇంకెట్క నిజామబాద్ జిల్లా తేర్ పబ్లిక్ తుకారాం రెవెన్యూ డివిజన్ సాబ్ పేన్ రా! సీతి నియత్ నోర్ సాబ్ వోందత్ నేర్ సాబ్క బయ్ కమ్మి జన్క మంతేర్. ధనవన్, గరిబ్, ఇన్వల్ బేద్ బావ్ సెల్వక్ సమ్మిర్క బరోబర్ ఉందియ్ నియం కీతోర్ బచ్చారెయ్ చొకొట్టు కామ్కు కున్ బడె మయ్యలిక్ కామ్క నల్ గరిబ్ హరిబున్ పబ్లికున్ వెహుందూర్. మరట్ కాగుత్ కరియన. కాగుత్ మాకున్ పిసుసంత. పేకుర్కున్ కరుసన ఇంజేర్ గరిబ్ హరిబ్ పబ్లికున్ వెహుందూర్. అదేన్ సాటి నిజామబాద్ జిల్లా తేర్ పబ్లిక్ బయ్ ఇత్తైకే బయ్ హేతు కీంతేర్. మడావి తుకారాం నిజామబాద్ జిల్లా తే (ఆర్.డి.బి.) మన్నైకే నిజామబాద్ జిల్లా తేర్ పబ్లికున్ బచ్చోర్ మద్దత్ కీతోర్.

ఆదిలాబాద్ జిల్లా ఇంద్రవెలి నాటే 1980-1981 సాల్ దున్ కోయ్ తుర్క పోలీస్ కున్ నడ్డుం హిందల్ హిందల్ పైరింగ్ ఆతంగ్ తాన్ గ కొంత మాంది బాయిక్, దాదలిర్ కోయ్ తూర్ సాతేర్. అద్దే రోజ్ నర్క 12.00 నేక్కై (ఆర్.డి.బి.) గా మత్తేర్ మడావి తుకారాం మున్ (ఐ.టి.డి.ఎ.) ఉట్నూర్ తే అస్కేడ గతిత్ సూడ్సి బదిలి కీతేర్. (ఏ.పి.బి.) (జి.) పదవి భాద్యతల్కే యేత్త పెజ్జె అద్ గతి సూడ్సి సర్కార్ కోయ్ తుర్క సియ్యలిక్ సమ్మి రక్కల్ నంగ్ బడె మయ్యలిక్ కామ్కున్ ఉంది పద్ది దాత్ యెవ్తెకే తోడోస వేరి గతిత్ చొకొట్ కియపరంతట్ సెల్లెతే ఉండే వెల్లె జగ్గంగ్ ఆయ్యలిక్ దోక మంత. కోయ్ తుర్క సర్కార్ సీత, కుహింగ్, అయిల్ ఇంజన్క, కరెంట్ మోటాక్, కోందంగ్, మిద్దే రోహ్కా ఇహిన్ బడె మయ్యలిక్ కామ్కున్ అస్కేడోర్ (పి.బి.) వోన్ గ వడ్కేసి చరచ్చీసి నార్ నాటే బెంగ్లూర్, రోహ్కా నంగ్ కాలోసీ అడ్డం టిడ్డం వాట్ దీర్. అద్ పద్ది (ఏ.పి.బి.) (జి.) వోన్ పనంద్ వాయ్ కి మంజూర్ కీతంగ్ మిద్దే రోహ్కా కాలోసీ ఉంది సార సారిని కియు సీతోర్. అహన్ రోహ్కా నంగ్ నిర్మాణం కియు సీతెకే అద్ నాటున్ ఉంది రూపం వాంత. హర్ నాటే నడ్డుం సాడ మందన ఉండే నాట్నంగ్ అడ్డన్ (పంచాద్క) కియన్ సాటి ఉంది రాయిసెంటర్ రోన్ తున్ తెప్పి సీతోర్. సమ్మి

రంగాల్క నగ పద్ధతి దాత్ బడె మయ్యలిక్ కామ్మ కున్ సంజేమ పథకల్కున్ రొహన్ సాటి బయ్ శ్రద్ధ తొహుందూర్. కోయ్తుర్క వెల్లెసేవార్కె యెవున్ తోర్.

కేతి దారలిర్కె చొకొట్ పండ్యలిక్ విజ్జన్ (ఐ.టి.డి.ఎ.) తల్ సబ్బిడిత్ పొర్తొ గిరిజన కేతి దారలిర్కె విజ్జంగ్, ఖత్కె, పుట్ట్యలిక్ మరక్ (పి.ఓ.) (ఎ.పి.ఓ.) (జి.) సియున్ దూర్. కేతి దాదలిర్ బహన్ అవెకున్ వాటన కేతి శాఖ సాబ్కున్ తోడొ ట్రైనింగ్ సియున్ తోర్. బద్ కాలన్ గ బద్ ఖాత్ వాటన బావ్ మరక్ వాటన. బహన్ వాటన కేతి దారలిర్కె శిక్షణ సియున్ తోర్. మర్క మరకున్ ఉర్సన్ సాటి హార్తి కల్చర్ శాఖ అదికారుల్కున్ తోడొ శిక్షణ సియున్ తోర్. బారి ఇత్తెకే గిరిజన కేతి దాదలిర్ బయ్ పెజ్జె మంతేర్. అదేన్ సాటి హరిత విప్లవ పంటల్కె పండుసన్ సాటి కేతి దారలిర్కె వెహ్తోర్. కేతి దాదలిర్ బయ్ కేతి కామ్మ కున్ ఇసక్సె కీంటు అస్కెన్ బయ్ పంటల్కె పండు సీంతిట్ కష్ట్ కీసి కామ్ కీంట్ మీవంగ్ కామ్మ మీరటే కియన్. చొకొట్టు వకుత్తె విజ్జ వాటట్ అస్కె బడె మాయాన్ సాటి మోక మంత. బొమ్మిన తోడి పిర్ద యేతె పాసి వొయ్యక్ కట్టంగ్ వాటట్. అస్కె బొమ్మితున్ చొకొట్ ఇరా వచ్చొ అదేన్ సాటి (ఐ.టి.డి.ఎ.) తే భూసంరక్షణ శాఖ వంతన్ గ కేతి బొమ్మినంగ్ భూసంరం పాసి వొయ్యక్ కియన్ సాటి భూసంరక్షణ తోడొ కట్టంగ్ వటుసియన్, రొహన్ సాటి మెహనత్ కీతోర్. (పి.ఓ.) ఉండే (ఎ.పి.ఓ.) (జి.) నాటే సమిర్ మీరే మాసి కామ్మ కీంట్ అస్కెన్ చొకొట్ ఆకిట్. కేతి కామ్మ చొకొట్ కీంట్, అస్కె బయ్ లాఖం యేత్త పరంతిట్ ఇంజేర్ కేతి దారలిర్కె తుకారాం సాబ్ వెహ్తోర్.

మడావి తుకారాం సాబ్ కోయ్తుూర్ కేతి దారలిర్కె కేతి బారితే వెల్లె నూచనాల్కె సీతోర్. మీ వేర్ పేకుర్ కున్ సాడతే రొహట్ రొహ్చి కాగుత్ కరుసట్ బచ్చోర్ కష్టం వాతేక్ తేర్ పేకుర్ కున్ సాడతే రొహట్ ఇంజేర్ నాటే గరిబ్ హరిబ్ కోయ్తుూర్ కేతి దారలిర్కె వెహుందూర్. మీ నార్ నాటే సీతి నియత్నే కానుని తే సమిర్ మీరే మాసి మంటు ఇంజేర్ మడావి తుకారాం (ఎ.పి.ఓ.) (జి.) నార్ నాటే (ఐ.టి.డి.ఎ.) తల్ ఆసేర్ మంతంగ్ బడె మయ్యలిక్ పథకల్కున్ నూడెర్ అగ్గ మత్తోర్ కేతి దారలిర్కె చొకొట్ కియన్ సాటి బయ్ ఇత్తెకే బయ్ తుకారాం (ఎ.పి.ఓ.) (జి.) సాబ్ వెహుందూర్. వెహ్తత్ కీంటు కరబ్ ఆదత్ నగటల్ లంగ్ మంటు ఇంజేర్ నార్ నాటే సొత్త పెజ్జె మడావి తుకారాం

నాన్నేర్ పబ్లికున్ వెహుందూర్. కమ్మి కర్చునే వెల్లె పాయ్ యేత్వల్ ప్రయత్నం కింట్. వట్టి ఆగవ్ ఖర్చు కియ్యుట్ ఇంజేర్ వెహుందూర్. అస్కెన్ మిరట బడె మాంతిట్ ఇంజేర్. ధన వంతల్ గరిబ్ ఇన్వల్ బేద్ బావ్ ఇర్మట్ వొరోన్ వొరోర్ పాయ్. సమాజ్ నగ చొకొట్న తోడొ కరబ్ న మందంత. సమాజంతగ హర్ మయనన క్రమ శిక్షణ మందన సెల్లె వోరు బడె మాయోర్ ఇంజేర్ కోయ్ తూర్ పబ్లికున్ వెహుందూర్. లేతో వయుస్సు తే మత్తేర్ పేకుర మనస్సును కరబ్ కియ్యలిక్ కామ్మన్ గొప్టింగ్ బచ్చొరెయ్ వాంతంగ్ ఇవెకున్ మరట్ లంగ్ మందన, వొరోర్ మయనల్ సమాజ్ ఇంతేర్. సమాజ్ ఇత్తెకే మయనలిర్ పీరే మాసి పిస్వల్ సమాజ్ ఇంజేర్ తుకారాం పబ్లికున్ వెహుందూర్.

ఆదిలాబాద్ జిల్లా తే (ఐ.టి.డి.ఎ.) ఉటూర్ మడావి తుకారాం (ఏ.పి.ఓ.) జనరల్ గా మన్నెకే ఉంది దియ్య ఆదిలాబాద్ యేరయతగ సుద్రె మాత్తంగ్ కామ్ కున్ సూడన్ సాటి (ఐ.టి.డి.ఎ.) కచరితల్ ఉటూర్ తల్ ఆదిలాబాద్ సాన్నెకే మావల ఇన్వల్ కేడ తగ డగూర్ గండం వాత. జీబు సరితల్ బూడ్ రెండ కొలాటింగ్ తిత్త అద్ జీబు నగ మత్తేర్ ఊర్క బోనే గిర బతయ్ ఆయ్యుకి. అద్ జీబున పరిస్థితిత్ సూడ్ని అగ్గ మత్తేర్ ఊర్ పిస్స పరూర్ ఇంతేర్. బత్తి అద్ జీబు నగ మత్తేర్ పబ్లికున్ బతయ్ ధగ జర్గ్ మక్కి. అద్ జీబు నగ మత్తేర్ సాబ్ సీతి నియత్నే నోర్ సాబ్ ఉండే పేన్ దున్ పొర్తొ వెల్లె భక్తి వాలే అదేన్ సాటి మొమెట్ ధగ తల్ బహ్రా అర్తోం (ఏ.పి.ఓ.) (జి.). వోన్ తోడొ మత్తేర్ మయనలిర్ అర్క మోతిరాం మస్తరల్ ఉండే మయనలిర్ పొర్తొ డంగ్ గొప్టిన్ వెహ్తేర్.

నేకి నేమ్ నియ్యె నేవ

ఆదిలాబాద్ జిల్లా తేర్ కోయ్ తూర్ కియ్యల్ గుసాడి యేంద్వల్ సప్తి జాంగంగ్ సుద్రన్ ఆయన ఉండే కోయ్ తుర నేకిత్ నెరుసాన నేకి ఆచార్ హర్ వొరోర్ కోయ్ తోర్ కాపాడాన ఇన్వల్ మడావి తుకారాం సాబ్ న విచార్తే ప్రాయం ప్రకరం డండారి, గుసాడి, యేంద్వడున్ (ఐ.టి.డి.ఎ.) తగ (ఏ.పి.ఓ.) (జి.) గా మన్నెకే 40 ఛాలిన్ నహ్కా న డండారి యేంద్వల్ యేంద్వలిర్ పబ్లికున్ కేయుసి

బయ్ డగూర్ కార్యక్రమం లక్షెట్టి పేట్ నాటి ఇర్పి మత్తోర్. యేంద్వలిర్క్ యేంద్వల్ తరికత శిక్షాన్ సీతోర్.



అద్ యేంద్వల్ సూడై కే పల్లికున్ బచ్చోర్ కూసి మందంత గుసాడి యేంద్వడ్ రొప్పా బచ్చోర్ డగూర్ కల మంత. వోర్ కరుస్త గుసాడి, యేంద్వడున్ కరి కితేకే సప్తి నేకి, ఆచార్ తల్ కరమాంత. బత్తి బస్కె ఇత్తైకే అస్కె, బగ్గ ఇత్తైకే అగ్గ గుసాడి యేంద్వల్ కీంట్ ఇంజేర్ వెహ్యుకి. కోయ్తుర ఆచారం దాత్ గుసాడి యేంద్వల్ బస్కె ఇత్తైకే అస్కె కియన్ సాటి సెల్లై. (ప.పి.బి.) (జి.) గా మంజి గరిబ్ హరిబ్ కోయ్తుర కేతి దాదలిర్క్ బచ్చొరెయ్ సేవ కీతోర్. వోర్ కీతంగ్ నేవల్కున్ మరుజా పరూర్.

సమజ్జు నేవ

ఆదిలాబాద్ జిల్లా గిరిజన కేతి దారలిర్క్ మావ వేడ్చి ఇంజేర్ కోయ్తుూర్, మాని కిందిర్. (ప.పి.బి.) (జి.) గా మంజేర్ కోయ్తురంగ్ నహ్కానే రోహ్కా ఉంది తరికతే దాత్ మన్కుకీ అద్ సూడ్చి మిద్దై రోహ్కా కాలోసి మంజూర్ కీసి ఉంది తరికత్ దాత్ సార్పితే రోహ్కా తెహాన్ సాటి కియు సీతోర్. అహాన్ కితేకేకే అద్ నాటున్ ఉంది పూన రూపం వాంత. గోండ్వాన పంచాయత్ రాయిసెంటర్స్ సున్ మొదోల్ కోయ్తుూర్ తొల్లై త జమానతే కీతంగ్ నార్ నాటి తంవంగ్ అడ్చుకున్

కరికీసి. రాయసెంటర్స్ సర్కార్ త దృష్టితగ గిర్ కరెమాంత. రాయసెంటర్స్ మొదోల్ కోయ్ తుర్క సుప్రిం కోర్టున్ దాత్. కోయ్ తుర నార్ నాటే బద్దే అడ్చుని ఆతెకే గోండ్వాన పంచాయత్ రాయసెంటర్స్ జిల్లా తేర్ మేడి, ఉపామేడి ఉండే రాయ సెంటర్స్ సార్ మేడిల్క, సభ్యుల్కన జాగతగ అడ్చుంతున్ తివు సీందీర్. రాయసెంటర్స్ తే అడ్చుంతున్ చొకొట్టు రీతితే న్యాయం కీందిర్. సప్లిర్ మొదోల్ గరిబ్ పబ్లిక్ బద్దే తప్పు కీతెకే రాయసెంటర్స్ త మున్నె తల బూడ్ వట్వల్ వాంత. జగ్దంగ్ కీతెకే కోర్టు బహన్ తివుసీసి తీర్పు సీంత తాన్ దాతె రాయసెంటర్స్ తీర్పు కీంత రాయసెంటర్స్ నల్ సర్కార్ తున్ మడావి తుకారాం (ఐ.ఎ.ఎన్.) సాబ్ రాయ సెంటర్స్ కియ్యలిక్ కామకున్ నల్ వెహ్తోర్. నేండు రాయసెంటర్స్ కున్ జిల్లా తే బయ్ కదార్ మంత కోయ్ తూర్ సప్లి అడ్చుల్ కున్ రాయసెంటర్స్ నగ చొకొట్ కరికీసి న్యాయం కీంతేర్.

దేవధన్ గోదామ్స్

దేవధన్ గోదామ్స్, గ్రీన్ బ్యాంక్ కున్ లాసి బయ్ మెహ్నూత్ తుంగ్ తోర్. ఆత్రం భీంరావ్ గాదిగూడ, మడావి గంగు పాట్లాల్ ఖైర్ డాట్వా ఇవ్ గోదామ్స్ గ్రీన్ బ్యాంక్ కున్ సాటి మడావి తుకారాం సాబ్ వెల్లె మిక్తింగ్ వెహ్తోర్. గోదామ్స్ గ్రీన్ బ్యాంక్ కున్ సాటి గిర్ సర్కార్ తున్ వెహుందూర్. ఇవ్ గోదామ్స్ గిర్ అస్కేడ జమనతెన్ నివిడి కీతోర్. బత్తి సర్కాత కడ్డతే వొడ్కి సెల్లె. ఇంకే నార్ నాటే డ్వాక్రా గ్రూప్స్ తాక్వలిక్ మహీన మహీన కొత్తంగ్ బ్యాంకు నగ జమా కీంతేర్. కోయ్ తూర్ దేవధన్ గోదామ్స్ నగ జొన్నంగ్, వంజింగ్, హార్ రోతగటల్ జమా కీసి తమ్ముక్ కామ్ అర్త నేటి సప్లిర్ కర్నున్ సాటి గ్రీన్ బ్యాంక్ నే కొత్తంగ్ జమా కీసి జమా కీతంగ్ కొత్తంగ్ కామ్ మత్తెకే సప్లిర్ యేచ్చి ఖర్చు కీందిర్. ఇవ్ కామ్కనల్ మడావి తుకారాం సాబ్ సర్కార్ తున్, దేవధన్ గోదామ్స్ ఇత్తెకే బతల్ గ్రీన్ బ్యాంక్ ఇత్తెకే బతల్ అవ్ కియ్యలిక్ కామకున్ నల్ ఆతంగ్ విచారుకున్ వెహుందూర్. అవ్ గోదామ్స్ ను గ్రీన్ బ్యాంక్ మున్నె బోర్ తాకుసంతేర్. మలుసి కొత్తంగ్ బద్ లెక్కతే తూసంతేర్, సవ్వాయి బచ్చోర్ యేతంతేర్ ఇన్వలిక్ గొట్టిన్ గిర్ సర్కార్ తున్ వెహ్తోర్.

మర్రింగ్



మదావి తుకారాం సాబ్ కోయ్ తుర కామ్ ద దాత్ దినం:
 25-05-1987 సాల్ దున్ గేడం మాన్కు శ్రీమతి రుక్మాబాయి
 నార్ (నాధరి) తాన మియాడున్ సత్యవతి (సీతాదేవి) ఇన్వోల్
 బాయిన్ తోడో మర్రింగ్
 ఆతోర్. మర్రింగ్ కోయ్ తుర
 కామ్ ద దాత్ నార్
 లక్షేట్టిపేట్ నాటే వాజ గజతే
 తుకారాం నోర్ బాబల్
 మర్రింగ్ కీతోర్.
 తన్వ బయ్యోన్
 (సీతాదేవి) ఇంజేర్
 కేయ్ దూర్. వీర్ కున్

నాల్వీర్ మరిమియాడ్ ఇప్పీర్ మాడ్న పేకుర్, రెండ వెయ్యి పేకింగ్, డగూర్
 మియాడ పొరోల్ కృష్ణవేణి, విజయలక్ష్మి, పేకుర్ బాలశివరాం, బాలకృష్ణ
 ఉట్నూర్ (ఐ.టి.డి.ఎ.) తగ (ఏ.పి.బి.) (జి.) కామ్ కియ్యోల్ తుకారాం మున్
 కరీంనగర్ తే (డి.డి.బి.) గా బదిలి కీతోర్. కరీంనగర్ జిల్లా తే (డి.డి.బి.) గా కామ్
 కీసి గరిబ్ హరిబ్ పబ్లికున్ వెల్లెసేవ కీందూర్.

నావ్ కరి కీతంగ్ జాగంగ్

మదావి తుకారాం (డి.డి.బి.) గా కామ్ కీనెకే భారత్ న సర్కార్ తే
 (ఐ.ఎ.ఎస్.) హొదా తే నియమకం కీతోర్ కరీంనగర్ తల్ నల్లగొండ జిల్లా తే
 (జి.సి.) గా తన్వ వంత్ నంగ్ మత్తంగ్ బడె మయ్యలిక కామ్కు కున్ పబ్లికున్
 యెవున్ తోర్ వెల్లెసేవాల్క్ కీతోర్. మహాబూబ్ నగర్ తల్ నిజామబాద్ జిల్లా తే
 కలెక్టర్ గా నిజామబాద్ జిల్లా తేర్ పబ్లికున్ వెల్లెసేవ కీతోర్. మదావి తుకారాం
 (ఐ.ఎ.ఎస్.) సాబ్ ఇంకెట్క్ నిజామబాద్ జిల్లా నూర్ పబ్లిక్ హేతు కీంతేర్. వోర్
 కామ్ కీతంగ్ జిల్లా నేర్ పబ్లిక్ బచ్చొరెయ్ మాని కీందిర్. నిజామబాద్ జిల్లా తల్

పదవిత పోర్టా హైదరాబాద్ నగ ఎక్స్ ప్రెజ్ కమీషనర్ గా కామ్ కీసేకే మలుసి బాల కార్మికుల కమీషనర్ గా కామ్ కీసేకే మన్నెకే అలసర్ దుఖ్ నే బాద పడెసెర్ నిమ్న ధవాఖాన తే సుమ్క గోలింగ్ కీసేకే దినం: 29-11-1998 దున్ సాతోర్. మొదోల్ కోయా జాతి తోర్ మొదోడోర్ (ఐ.ఎ.ఎస్.) సాబ్ వోర్ హేతు కీనల్ హర్ సాల్ కార్మి మహీన 29 దినమున్ జెండా చడి కీంతేర్.

గౌరవనీయులైన ఖానాపూర్ నియోజక వర్గం శాసన సభ్యులు రాఢోడ్, రమేష్ సాబ్ ఎక్స్ రోడు ఉట్పూర్ తగ పుత్ల నిపుసన్ సాటి గవర్నమెంట్ ల్ కొత్తంగ్ శ్రీ. మడావి తుకారాం (ఐ.ఎ.ఎస్.) సాబ్ న పుత్ల కియై మంజూర్ కీయై కొసెద్ కీతోర్. మడావి తుకారాం (ఐ.ఎ.ఎస్.) సాబున్ పోర్టా కూసి తే బచ్చోర్ తక్లీత్ ఆతెక గిర్ నన్నయ్ కీంతాన్ ఇంజేర్ పట్ పియి పుత్ల కియున్ తోర్. పుత్ల త ధర 2,50,000/- కొత్తంగ్ మందంత. శ్రీ మడావి తుకారాం (ఐ.ఎ.ఎస్.) పుత్ల ఆవిష్కరన గౌరవనీయులు రాష్ట్ర ముఖ్య మంత్రి శ్రీ నారా చంద్రబాబు నాయుడు సాబ్ సత్కారా కీతోర్ దినం: 15-02-2003 నేటి శ్రీ మడావి తుకారాం (ఐ.ఎ.ఎస్.) సాబ్ న పుత్ల ఆవిష్కరన ఎక్స్ రోడు ఉట్పూర్ తగ కీతేర్. ఆదిలాబాద్ జిల్లా తేర్ కోయ్ తూర్ ఆవిష్కరన త మిటింగ్ నగ మీరె మాతెర్. గుసాడ్కెన యెంద్వోల్ తే వాజి గజతే పేప్రెంగ్, డప్కె నే, యెంద్వోల్ తే కోయ్ తుర సంప్రదాయమున్ దాత్ పుత్ల ఆవిష్కరన మిటింగ్ నగ జరుగు సీతేర్. బచ్చోరెయ్ కూసి తే



కార్యక్రమం ఆత. గౌరవనీయులు రాఢోడ్ రమేష్ (ఎం.ఎల్.ఎ.) ఖానాపూర్ తోర్ పుత్ల తయారి కియన్ సాటి బచ్చోరెయ్ కృసి కీతోర్. రాఢోడ్ రమేష్ సున్ తుంరం భగ్ వాన్ జి, మెస్రం సోంజి, ఆత్రం భుజంగ్ రావ్, వెడ్కె అర్జు, పరాచక్తి శ్యాం రావ్, సిడాం తుల్ని రామ్, మడావి ఆనంద రావ్, మడావి గంగు పాట్లాల్, సిడాం బాలే రావ్, జిల్లా మేడి మడావి రాజి ధనోరా మండల్ కెరమెరి, దుర్వా భాస్కర్, పూసం

జంగు, ఆత్రం నాగోరావ్, అనక లక్కే రావ్, అర్క మానిక్ రావ్ పేందోర్ దుర్నాథ్ రావ్ వెల్లె కృతజ్ఞతాలు, రాం రాం కీతేర్.

బెయే బాబల్

మడావి బాపురావ్ మహారాజ్ లక్ష్మిపేట్ నాబ్నోర్ పోలీస్ పటేలు ఉండే కేతి దారల్. బయ్యె శ్రీ మతి మాన్కుబాయి (దుర్గబాయి) సీతి నియత్ కానుని వాలీర్. బయ్యె మాడోన్ ఇవ్వీర్. శ్రీ సంత కోట్నూక్ సూరోజీ మహారాజ్ శిష్యులు. సూరోజీ మహారాజ్ కరుస్తంగ్ బుద్ధిన్ పియ్యి పేన్ దున్ హర్ దినం పూజ కీందిర్.



బాబల్: మడావి బాపురావ్



బెయే: మాన్కు బాయి

సంత కోట్నూక్ సూరోజీ మహారాజ్ తన్వంగ్ కీర్తన్ భజన్ కున్ హిందల్ పబ్లిక్ చొకొట్నూ సరితున్ తాకన, సీతి నియత్నే పిస్సన ఇంజేర్ కరుసి బయ్ వెల్లె జన్మ పబ్లిక్ సూరోజీ సూర్ సిస్యలిర్ ఆతేర్.

చాకొట్ బుద్ధింగ్ వెహ్వల్

- 1) మొదోల్ సక్రేతేచ్చి రోతున్ మన్తే ఉసి రచ్చంగ్ సియ్యి ఇరాన.
- 2) యేర్ తుంగ్గి ఉండే పేన్దున్ ప్రార్థన కియన ఇంజేర్ కరుసి తోర్.
- 3) బస్కేట్ కరబ్ ఆదత్ నగటల్ లంగ్ మందన.
- 4) సీతి నియత్నే మందన ఇంజేర్ కరు సీతోర్.

అస్కేన్ మరబ్ ధన్ వంతలిర్ అంతబ్ ఇంజేర్ సంత సూరోజీ మహారాజ్ భక్తల్ ఇహిన్ గొహ్టాన్ వెహుందూర్. డి. ఆర్. ప్రతాప్ కోయా జాతి సంస్కృతి శిక్షణ సంస్థ డైరెక్టర్ హైదరాబాద్ గిర్ సంత సూరోజీ మహారాజ్ శిష్యులే, సంత సూరోజీ మహారాజ్ సంస్థానము “నార్ మహాగంవ్” మండల్ సిర్పూర్ (యు) ఆదిలాబాద్ జిల్లా తేమంత.

ఇండ్కే సంస్థానమును సంత మెస్రం జంగుబాయి వోన్ దాత్ తాకంత. మడావి బాపురావ్ ఉండే శ్రీమతి మాన్కుబాయి సంత సూరోజీ మహారాజ్ నంగ్ బుద్ధిన్ పియ్యి మడావి బాపురావ్ నాట్నోర్ పోలీస్ పాట్లాల్ మడావి బాపురావ్ వయస్సు 90 వర్సంగ్, శ్రీమతి మాన్కుబాయి వయస్సు 80 వర్సంగ్ మందంత. బయ్యో మాడ్సో ఇవ్వీర్ ఇంకెట్కే పేన్దున్ ప్రార్థన కీసెరే మంతేర్, పేన్దున్ పొర్టో బచ్చోర్ బరోస ఇద్ వహి తే గిర్ ఇత్తెకే హార్ రోజ్ పేన్దున్ మరుంగ్ వక్ ప్రార్థనంగ్ కీసేర్ బెయే- బాబల్ నార్ లక్షెట్టేపేట్ నే పిస్సెర్ మంతేర్.

విచార్



మావ ఆంధ్ర ప్రదేశ్ నగ ఆదివాసి జాతింగ్ 33 మంతంగ్. అవ్ జాతి నగటల్ ఆదివాసి రాజ్ గోండ్ ఇన్వల్ ఉంది, ఆదిలాబాద్ జిల్లాత్ రొప్పొ లక్షెట్టపేట్ ఇన్వల్ నాటే శ్రీ మడావి తుకారం సాబ్ (ఐ.ఎ.ఎస్.) నావోర్ మాడ్సో (సాయ్బాల్) ఆందూర్. తన్న వెల్లె గరిబ్ కుటుంబతల్ పుట్టి, వెల్లె కస్తం కీసి కాగుత్ కరిసి. వోన జాతితున్ లాసి సంస్కృతి లాసి, సమాజమ్మ సుద్రంత్ లాసి నర్కా,

పియ్యల్ హీన్ వెల్లె మున్నె పీడిత్ సాటి మెహ్నత్ కీతోర్. నన్న వోన వేలాడా, వోన్ సాటి రోజి రోజి సేవతె మత్తోన్, మావ జాతిత్ అని నావ దైవ కూటల్ మత్త కాడ్కి, నేండు మాకున్ సుట్టికీసి భగవంతల్ వోన్ మహ్నూటల్ పాకి కీత, తే మావ జాతి వోర్ కీత కామున్ వోను బతల్ ఇంజేర్ వెహనయో మెమెట్ సప్తిర్ సాబ్బ బాకి ఆసి రెహమాతోమ్.

ఇద్ పుస్తక్ నగ వోన చరిత్ర లిహికిసి, వోర్ కీతంగ్ కామ్మ, వాయ్యల్ పీడితూర్ పేకుర్క ఆదర్ మందన ఇంజేర్ ఇద్ పుస్తకున్, కరివలిర్ పేకుర్ వాచికిసి మా వోర్ తుకారం సాబున్ వేస్ డాగుక్ ఆయన ఇహిన్ మావ సమాజ్ తుకారాం సాబ్బ మంద విచార్ తున్ పూరి కీనిర్ అని బచ్చిరో హీన్ తుకారం సాబున్ మోడి ఆయన ఇంజేర్ నావ చుడుక్ పేకుర్-పేకిన్ పొర్రో ఆసమంత.

తుకారాం (ఐ.ఎ.ఎస్.) సాబ్బ వేలాడ్:మడావి సీతాదేవి తుకారాం,

నార్: లక్షెట్టపేట్,
మండల్: ఉట్ూరు,
జిల్లా: ఆదిలాబాదు.